



BØN FRÅ HALSNØY

Himmelske Far

Vi takkar deg for den flotte naturen som omgjev oss. Takk for omsorg og livsgrunnlag på sjø og land gjennom generasjonar. Velsign arbeidsliv og lokalsamfunn så her vert ein god stad å bu også i framtida. Lat borna få høve til å bli kjent med Jesus, og lat dei få ein trygg og god oppvekst i heim, barnehage og skule. Lat folket få kjenne at du er nær med di omsorg både når livet strålar av glede og når dagane er vanskelege å komme igjennom.

Vi bed i Jesu namn.

Amen.

Juni 2018

Jan Ove Anders Høines Totland



BØN FRÅ MOSTER

Allmektige Gud, vi takker deg for de som bar budskapet fra deg til vårt folk, de som sådde Ordet, reiste korsets merke og grunnla kirken i fedrelandet vårt. La din kirke her hos oss holde kallet levende, så vi med trofasthet og i din kraft forkynner evangeliet klart og rent. Lær oss å bygge landet ved lov, til ære for deg og til velsignelse for folket, ved din Sønn, Jesus Kristus, vår Herre, som med deg og Den Hellige Ånd lever og råder, én sann Gud fra evighet og til evighet. Amen.

Juni 2018

Aksel Lygre



BØN FRÅ BERGEN

Treenige Gud,
Du som er fellesskap
Her – midt i byen
takker vi for dens velsignelser,
gleder og mangfold.
Vi ber for Bergen by;
om inkluderende fellesskap
om å oppdage byens skjønnhet
om fred i det som er urolig
om enhet i mangfoldet
for dem som styrer
for kirken
og for alle med en annen tro
Herre, hør vår bønn

Juni 2018
Marianne Bergsjø Gammelsæter



BØN FRÅ KINN

Gode heilage Ande, vår livgjevar.
Takk for at eg her ute ved havet kan kjenne vinden ruske i håret
og sjå sola spegle seg i horisonten.

Gje meg nye krefter og mot til å velge trua.
Følg meg på ferda vidare og hjelp meg å vere ein venn av jorda.

Amen.

Juni 2018
Knut Magne Nesse



BØN FRÅ SELJA

Takk, Gud, for dei som ein gong kom hit til kysten vår og spreidde den gode budskapet om deg, vår Far og Frelsar. Takk for at dei kan vera føredøme også for oss som lever i dag.

Gjev at den trua som vart planta her hos oss, framleis må pulsera i oss og utvida vårt hjartelag for dei som no søker seg hit og treng vårt vern.

Gjer oss audmjuke nok til å få auga på og verdsetja det gode våre gjester, pilegrimar og innvandrarar kan gje oss, så vi saman kan veksa djupare inn i tru og tillit til deg.

Allmektige Gud, vi bed deg for oss og alle som kjem hit til Selja, at den vegen vi finn for våre liv må vera ein veg mot deg og ditt lys – Jesus Kristus, du som er lyset for verda.

Juni 2018

Kari Leine Balog